



Direktor škole

Broj: 01-3-277/20

Dana: 17.06.2020. godine

Na osnovu Naredbe Kriznog štaba Federalnog ministarstva zdravstva broj: 01-33-3510/20 od 12.6.2020. godine, direktor JU Osnovne muzičke škole "Mladen Pozajić" Sarajevo donosi sljedeći

K R I Z N I P L A N

provođenja mjera za omogućavanje kontinuiteta rada, zaštite zdravlja radnika i imovine JU Osnovnoj muzičkoj školi "Mladen Pozajić" Sarajevo u uslovima pogoršane epidemiološke situacije

1. Uvažavajući trenutnu epidemiološku situaciju u Bosni i Hercegovini u vezi sa pojavom koronavirusa (COVID-19), te za slučaj sličnih kriznih situacija, a u cilju zaštite života i zdravlja radnika i održavanja kontinuiteta rada Škole, utvrđuje se prvi stepen mjera koje će se provoditi u Školi i koje su dužni primjenjivati radnici Škole.

Uprava Škole će u zavisnosti od daljeg razvoja situacije u vezi sa koronavirusom, donositi i druge odgovarajuće mjere kojim se štiti zdravlje radnika i imovina Škole.

Nepostupanje u skladu sa odredbama ove odluke predstavlja težu povredu radnih dužnosti i povredu dužnosti radnika propisanu Pravilnikom o zaštiti na radu.

2. U uslovima pogoršanog epidemiološkog stanja usljed pojave novog korona virusa (COVID 19) nalaže se svim radnicima Škole, učenicima, roditeljima i posjetiocima da slijede i dosljedno primjenjuju mjere i preporuke kantonalnih kriznih štabova u vezi sa epidemiološkom situacijom na području Kantona na kojem djeluju.

- Kontinuirano komunicirati i raditi na svijesti uposlenih o simptomima i važnosti samoizolacije;
- Promovisati atmosferu takvu da se oboljela osoba ne osjeća stigmatizirano;
- Razmotriti alternativne metode održavanja sastanaka, te rad od kuće kad to bude neophodno i ne bude ugrozilo kontinuitet rada i opstanka Škole;
- Tamo gdje su socijalne interakcije neizbježne, trebaju se izbjegavati direktni kontakti, te se držati distanca od najmanje 1,5 m, između kolega, osoblja, posjetitelja.

3. U slučaju da nastanu okolnosti ograničenja vršenja djelatnosti, Škola će voditi redovnu evidenciju o radnicima koji su na poslu, radnicima koji rade od kuće i radnicima koji su radi zdravstvenog stanja ili porodičnih okolnosti (predškolska djeca ili stariji članovi domaćinstva) upućeni da ne dolaze na posao.

4. U prostorijama Škole obavezno je nošenje zaštitne opreme – maske za lice, a preporučuje se da radnici koji su u kontaktu sa trećim osobama nose i rukavice.

Također je obavezno omogućavanje držanja fizičke distance među ljudima, bilo da se radi o radnicima, učenicima, roditeljima, posjetiteljima.

5. Preporučuje se radnicima Škole da prilikom putovanja u zemlji, kretanja i posjeta javnim mjestima postupaju u skladu sa razumom i preporukama nadležnih kriznih štabova.

Nalaže se radnicima Škole da na radnom mjestu kao i izvan njega poštuju higijenske i druge preporuke entitetskih kriznih štabova.

6. Nalaže se pojačano i posebno provođenje mjera održavanja higijene školskog prostora i sredstava za rad. Obavezna je dezinfekcija prostorija u kojima se vrši djelatnost sredstvima za dezinfekciju koje je Škola stavila na raspolaganje radnicima u Školi. Nužno je postaviti dezinfekcionu barijeru na frekventnim mjestima, osobito na ulazu u Školu.

7. Obavezno je više puta u toku dana provjetravati prostorije i voditi računa o ličnoj higijeni, a posebno higijeni ruku, vodeći računa o čestom pranju i pravilnom načinu pranja.

8. Ovaj Plan mjera se dostavlja svim uposlenicima putem Oglasne ploče, i njegov sadržaj će se mijenjati i dopunjavati u zavisnosti od izmjene okolnosti i potrebe postupanja po naredbama i odlukama nadležnih organa entiteta, kantona ili lokalnih zajednica.

9. Ovaj Plan stupa na snagu danom donošenja.



DIREKTOR ŠKOLE

[Redacted signature]
Mustafa Mujbegović, prof.